

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
Ministarstvo za poljoprivredu, šumarstvo i vodoprivredu

Broj: 05-20-4493/21
Zenica, 05.04.2021. godine

U skladu sa članom 18. stav 2. Pravilnika o uslovima za osnivanje i obavljanje veterinarske djelatnosti i načinu dodjele područja djelovanja („Službene novine Federacije BiH“, broj: 5/16), (u daljem tekstu: Pravilnik), Ministarstvo za poljoprivredu, šumarstvo i vodoprivredu Zeničko-dobojskog kantona, objavljuje:

O B A V J E Š T E N J E
O POKRETANJU POSTUPKA DODJELE PODRUČJA DJELOVANJA VETERINARSKIM
STANICAMA NA PODRUČJU DIJELA EPIZOOTIOLOŠKE JEDINICE KAKANJ
(Zona 2, Zona 3, Zona 5 i Zona 6)

Uzimajući u obzir da je na području epizootiološke jedinice Kakanj došlo do prestanka sa radom, brisanjem iz sudskog registra, Veterinarske stanice „VET-VET“ d.o.o. Kakanj, kojoj je Rješenjem Ministarstva za poljoprivredu, šumarstvo i vodoprivredu broj:05-24-12350-7/18 od 28.12.2018. godine bilo dodijeljeno područje djelovanja u epizootiološkoj jedinici Kakanj (Zona 2, Zona 3, Zona 5 i Zona 6) potrebno je navedene Zone dodijeliti zainteresovanim registrovanim veterinarskim stanicama sa područja epizootiološke jedinice Kakanj.

Shodno gore navedenom pozivamo veterinarske stanice sa područja epizootiološke jedinice Kakanj da u skladu sa članom 19. Pravilnika, na Obrascu broj: 2 (Prilog 2), podnesu zahtjev za dodjelu područja djelovanja na dijelu epizootiološke jedinice Kakanj, te dostave potrebnu dokumentaciju. Prilog ovog Obavještenja je spisak mjesta (naselja) koja pripadaju navedenim Zonama (Prilog 1).

Zahtjev za dodjelu područja djelovanja za dio epizootiološke jedinice Kakanj može podnijeti registrovana veterinarska stanica sa epizootiološke jedinice Kakanj koja posjeduje rješenje o obavljanju veterinarske djelatnosti, u skladu sa članom 16. stav (5) i (6) Pravilnika.

Veterinarske stanice koje podnesu zahtjev za dodjelu područja djelovanja, a kojima je u ranijem provedenom postupku već dodijeljeno neko od područja djelovanja na epizootiološkoj jedinici za koju su registrovane, trebaju voditi računa o broju uposlenih veterinara odnosno o odredbi Pravilnika kojom je propisano da „veterinar iz jedne ambulante može biti prijavljen samo za jedno područje djelovanja“.

Rješenje o dodjeli područja djelovanja veterinarskoj stanici kojoj se dodjele navedene zone važit će do 28.12.2023. godine.

Zahtjev za dodjelu područja djelovanja (Prilog 2) sa traženom dokumentacijom može se podnijeti najkasnije u roku od 7 (sedam) dana od dana objavljivanja ovog Obavještenja na web stranici Zeničko-dobojskog kantona, www.zdk.ba.

Zahtjeve sa traženom dokumentacijom potrebno je dostaviti **u zatvorenoj koverti** lično na protokol Zeničko-dobojskog kantona ili poštom, preporučeno na adresu:

ZENIČKO-DOBOJSKI KANTON
MINISTARSTVO ZA POLJOPRIVREDU, ŠUMARSTVO I VODOPRIVREDU
Kučukovići broj 2, 72000 Zenica
Uz naznaku:

Zahtjev za dodjelu područja djelovanja na dio epizootiološke jedinice Kakanj

-NE OTVARATI-

Neblagovremene i nepotpune prijave neće se uzeti u razmatranje.

Na koverti obavezno navesti i podatke o podnosiocu zahtjeva (naziv veterinarske stanice, adresa sjedišta, broj telefona).